

humanam omnibus membris prætendebat, capillos habebat, barbam prolixam, & pineatam, circa pectus nimium pilosus erat & hispidus, qui tandem clam aufugit ad mare & nusquam comparuit. Vt verum sit, quod vulgus dicit: Quicquid nascatur in parte naturæ ulla, & in mari esse: & non omnino commentitium, quod de Tritone in Lusitaniæ littore, & marino homine in freto Gaditano scripsit Plinius.

Tritones.  
& mon-  
stra mari-  
na.

Aldburgh.

Non multo superius tuto & peramœno situ interjacet inter vallem *Slaughden*, qua mare ab Ortum diverberat, & flumen ab Occasu, *Aldburgh*, id est si interpreteris, *Burgus antiquus*, vel ut alii volunt *Burgus ad Ald fl.* statio nautis & piscatoribus satis commoda, & inde satis frequens, Oceanum, qui aliis hac ora oppidis infestior, propitium agnoscit. Iuxta cum ex coeli injuria segetum spica per Angliam anno M D LV suffocata essent, pisa nulla terra circumfusa inter saxa, Autumno ineunte, non sine miraculo enata, annum laxasse ferunt incolæ. Prudentiores, legumina naufragiis in littus rejecta subinde illic renasci solita esse referunt, ut nullus sit miraculo locus. Verum hujusmodi sua sponte quotannis inter scrupos in Cantii littore enasci jam ante diximus.

Dunwich.

Hinc littora legentes ad x milliæ *Dunwich* offendimus, Anglo-Saxonice *Dunmoe*, cujus Beda meminit, ubi *Fœlix Burgundus*, qui Orientales Anglos à Christo deficientes ad fidem reduxit, anno Salutis D C XXX episcopalem sedem fixit, ejusque successores non paucis annis universæ Orientali Angliæ præfuerunt. Sed Bisus à *Fœlice* quartus, cum ætate ingravescente, & adversa valetudine, tantæ provinciæ minime par esset, in duas sedes divisit: altera vero in hac permansit, alteram in *North Elmehom* oppidulo constituit. Rege *Guilielmo Primo* regnante, CC XXXVI *Burgenses* habuit, pauperes 100. valebat 50 libras, & sexaginta \* allectum de dono: sic in Censuali Angliæ tabula legitur. Superiori sæculo fuit hæc civibus frequens, & officina monetaria celebris, & *Henrico Secundo* regnante, ut scribit *Guilielmus Neubrigenis*, vicus insignis, variis opibus refertus. Quo tempore, cum novis motibus arderet Anglia, ita munita erat, ut terrori fuerit *Roberto Leicestrensi Comiti*, qui has partes late persultabat. Nunc vero peculiari naturæ invidia, quæ sine ullo fine maris aviditati indulget, fluctuum violentia maximam partem abrepta, & Episcopis multa ante secula sedem suam alio transferentibus, in solitudinem quasi redacta jacet. Paulo superius *Blith* flumen se in mare exonerat, ad cuius ripam exiguum oppidulum *Blithborow* vidimus, quod non alio, quam sepultura *Annæ regis Christiani* nomen meruit, quem *Penda Mercius* justo prælio interfecit. Ecclesia Canoniorum collegio illustrata fuit à Rege *Henrico Primo*, qui eandem S. *Osithæ* Canonicis concessit. Mercatum habet beneficio *Ioannis Domini Clavering*, cui hoc jus cum nundinis *Rex Edwardus Secundus* dedit. Luculentum sane ille patrimonium hoc in tractu habuit; utique genus à filia & hærede *Guilielmi de Casinetto*, sive *Cheney* duxit, qui Baroniam de *Horsford* in Comitatu *Norfolciæ* tenuit, & Monasteriolum ad *Sibton* erexit.

\* Hale-  
cum.

Blithbor-  
row.

Regist.  
Mon. de  
Sibton.

Procurrit hic longius in Ortum projectum promontorium *Easton-ness*, quod totius Britanniae maxime Orientale judicatur, *Ptolemao* Εξοχή, sive EXTENSIO dicitur. Et ne dubites hoc esse quod nos *Easton* vocamus, noveris *Eysteney* idem esse Britannis, quod Græcis Εξοχή, & Latinis Extensio, quamvis & hoc nomen æque probabiliter nostra lingua à situ Orientali inditum videatur. In Australi parte hujus promontorii *Southwold* in planitie, mari littore aperto obiacet, oppidum non infrequens portus beneficio, quem *Blith fl.* ibi se exonerans præbet, & accedente æstu ita undis circumfusus ut insula videatur & non esse superfusus mireris. Adeo ut illud *Ciceronis* in mentem mihi revocarit. Quid æstus maritimi Hispaniensis & Britannici, eorumque certis temporibus vel accessus, vel recessus? sine Deo fieri non possunt, qui suos undis circumscripsit limites. Interius *Vvingfeild* cernitur, ubi semirata mœnia castrorum cernuntur, quod familiæ in hoc tractu numerosæ, & equestri gloria & antiqua nobilitate admodum insigni nomen fecit, sedesque fuit: & *Dunnington* quæ suum Dominum *Ioannem Phelipps* ostentat, patrem *Guilielmi* illius qui in uxorem duxit filiam & hæredem *Baronis Bardolph*, cujus itidem filiam & hæredem *Ioannes Vicecomes Beaumont* in conjugem accepit. Sed nunc veteris familiæ *Roussorum* est habitatio. Nec multum hinc abest *Huntingfeild*, qui Baronem eo nomine notum, *Edwardo Tertio* regnante, habuit, & huic vicinum *Heveningham* sedes equestris familiæ de *Heveningham*, quæ admodum vetustam repetit originem, parumque abest *Halesworth*, quondam *Healsworda* antiquum *Argentiorum*, nunc *Alingtoniorum* oppidum, cui *Richardus Argenton* jus Mercaturæ à rege *Henrico Tertio* impetravit.

Extensio  
Promon-  
torium.  
Easton-  
ness.

Lib. 3. de  
natura  
Deorum.

Wingfeild

Phelipps.

Hunting-  
feld.  
Hennin-  
gham.

Halef-  
worth.

A Septentrione duos fluviolos, *Ouse* scilicet minorem, & *Vvaveney*, hanc provinciam à *Norfolciæ* disjungere diximus, quæ palustri loco ad *Lophamsford* fontibus parum inter se disparatis emanantes, in diversa per vadosos sinus cursus agunt. Ad *Ouse*, qui in Occasum fertur, nihil memoria dignum hac in parte se exhibet. Ad *Vvaveney*, qui in Ortum tendit, primum *Hoxon*, olim *Hegilsdon* cernitur, martyrio *Edmundi regis* nobilitatum. Ibi enim Christianissimum regem quod Christo non renuntiaret, immanissimi *Dani* (ut *Abbonis* verbis utar) ad arborem religatum toto corpore sagittarum telis confodiunt, multiplicantes acerbiter cruciatus crebris telorum jactibus, quum vulneribus imprimebant, dum jacula jaculis locum dabant. Atque ut medii temporis Poëta de illo cecinit, Iam loca vulneribus desunt, necdum furiosis Tela, sed hyberna grandine plura volant.

Hoxon.  
Edmundi  
Regis  
Marty-  
rium.

Quo loco postea ædes erant Episcopi *Norwicensis* admodum elegantes, donec illi pro monasterio S. *Benedicti* non ita pridem commutarent. In proximo ad *Brome* longo jam tempore habitavit equestis familia *Cornwalleys*, ex quibus *Ioannes* fuit Seneschallus familiæ *Edwardi Sexti* principis, & *Thomas* ejus filius, qui ob prudentiam & fidem fuit à consiliis *Mariæ Reginae*, ejusque aulæ Contrarotulator. Inferius *Eay* sedet, id est, *Insula*, sic dicta, quod sit undique aquis irrigua, ubi monasterii S. *Petro* sacri, & vetusti castrorum, quod ad *Robertum Mallet* Normannicum Baronem

Cornwal-  
leys.

Eaye.

nem